



საგანმანათლებლო პროგრამების  
აკრედიტაციის საბჭო

05/03/2025



MES 3 25 0000531877

## გადაწყვეტილება

ა(ა)იპ - საქართველოს საპატრიარქოს წმიდა ტბელ აბუსერისძის სახელობის სასწავლო უნივერსიტეტის "ბიზნესის ადმინისტრირების" საბაკალავრო საგანმანათლებლო პროგრამის პირობითი აკრედიტაციის შესახებ

### 1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „საგანმანათლებლო დაწესებულებების საგანმანათლებლო პროგრამების აკრედიტაციის დებულების“ (შემდგომში - აკრედიტაციის დებულების) 27<sup>2</sup> - ემუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27<sup>5</sup> - ე მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ბ“ ქვეპუნქტისა და აკრედიტაციის დებულების 27<sup>5</sup> მუხლის პირველი პუნქტის „ბ“ ქვეპუნქტის შესაბამისად, საგანმანათლებლო პროგრამის პირობითი აკრედიტაციის შესახებ

გადაწყვეტილებას იღებს საბჭო, თუ „განათლების ხარისხის განვითარების შესახებ“ საქართველოს კანონის 22-ე მუხლის მე-5 და მე-9 პუნქტების და აკრედიტაციის დებულების 27<sup>6</sup> -ე მუხლის პირველი პუნქტის „გ“ ქვეპუნქტის თანახმად, საგანმანათლებლო პროგრამა სრულად ვერ აკმაყოფილებს აკრედიტაციის სტანდარტებს, კერძოდ, თუ საბჭოს მიერ საგანმანათლებლო პროგრამა აკრედიტაციის სტანდარტებთან შესაბამისობის შეფასებისას: ერთ სტანდარტთან მიმართებით მაინც შეფასდა, როგორც „ნაწილობრივ შესაბამისობაშია სტანდარტის მოთხოვნებთან“ და არცერთ სტანდარტთან მიმართებით არ შეფასდება, როგორც „არ არის შესაბამისობაში სტანდარტის მოთხოვნებთან“.

1.3. „აკრედიტაციის დებულების“ 27<sup>5</sup>-ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მადიებელს მისცეს რეკომენდაციები.

1.4. „განათლების ხარისხის განვითარების შესახებ“ საქართველოს კანონის 22-ე მუხლის მე-5 პუნქტისა და აკრედიტაციის დებულების 27<sup>6</sup> - ე მუხლის მე-4 პუნქტის მიხედვით, პირობითი აკრედიტაციის ვადაა არაუმეტეს 4 წელი.

1.5. აკრედიტაციის დებულების 27<sup>5</sup> - ე მე-7<sup>1</sup> პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

## **2. აღწერილობითი ნაწილი და დასაბუთება**

2.1. სსიპ - განათლების ხარისხის განვითარების ეროვნული ცენტრის დირექტორის 2024 წლის 2 სექტემბრის №1047248 ბრძანების საფუძველზე, განხორციელდა ა(ა)იპ - საქართველოს საპატრიარქოს წმიდა ტბელ აბუსერისძის სახელობის სასწავლო უნივერსიტეტის „ბიზნესის ადმინისტრირების" საბაკალავრო და სამაგისტრო საგანმანათლებლო პროგრამების კლასტერზე სააკრედიტაციო ვიზიტი.

2.2 საბჭომ შეისწავლა საგანმანათლებლო პროგრამის აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მადიებლის მიერ ცენტრისთვის წარმოდგენილი არგუმენტირებული პოზიცია.

2.3 სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მადიებლის მიერ ცენტრისთვის წარმოდგენილი არგუმენტირებული პოზიციის, ასევე, სხდომაზე დაინტერესებული მხარის ზეპირი პოზიციის მოსმენის საფუძველზე, საბჭომ მეტწილად გაიზიარა ექსპერტთა დასკვნაში დაფიქსირებული შეფასება სტანდარტებთან მიმართებით.

კერძოდ:

1.2 კომპონენტში ამოღებულ იქნა 1 რეკომენდაცია.

1.2 კომპონენტიდან რეკომენდაცია - გადატანილ იქნა 1.4 კომპონენტში.

1.3 კომპონენტში შემდეგი რეკომენდაცია გადავიდა რჩევებში.

1.4 კომპონენტში 2 რეკომენდაცია გადავიდა რჩევაში, 1 რეკომენდაცია ამოღებულ იქნა.

1.4 კომპონენტში 1 რეკომენდაცია გადმოტანილ იქნა 5.3 კომპონენტიდან.

1.5 კომპონენტში 1 რეკომენდაცია დაკორექტირდა, 1 რეკომენდაცია გადატანილ იქნა რჩევებში.

ცვლილებების შედეგად, არ შეცვლილა პირველი სტანდარტის შეფასება.

2.1 კომპონენტიდან ამოღებულ იქნა 1 რეკომენდაცია.

2.2 კომპონენტში დაკორექტირდა 1 რეკომენდაცია.

4.3 კომპონენტიდან ამოღებულ იქნა 1 რეკომენდაცია.

4.4 კომპონენტში 3 რეკომენდაცია გადატანილ იქნა რჩევებში.

შედეგად, მე-4 სტანდარტი, ნაცვლად "ნაწილობრივ შესაბამისობაშია მოთხოვნებთან", შეფასდა, როგორც "მეტწილად შესაბამისობაშია მოთხოვნებთან".

5.1 კომპონენტში 1 რეკომენდაცია გადმოვიდა 1.4 კომპონენტიდან.

5.3 კომპონენტიდან 1 რეკომენდაცია გადავიდა 1.4 კომპონენტში.

### 3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ბ“ ქვეპუნქტის, მე-3 და მე-5 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ბ“ ქვეპუნქტის, მე-5 და მე-9 პუნქტების, აკრედიტაციის დებულების 27<sup>2</sup> მუხლის პირველი პუნქტის, 27<sup>5</sup> მუხლის პირველი პუნქტის „ბ“ ქვეპუნქტისა და მე-5 პუნქტის, 27<sup>6</sup> მუხლის პირველი პუნქტის „გ“ ქვეპუნქტის, საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ” სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის N223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად,

### გადაწყვეტა:

1. დაკმაყოფილდეს ა(ა)იპ - საქართველოს საპატრიარქოს წმიდა ტბელ აბუსერისძის სახელობის სასწავლო უნივერსიტეტის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ "ბიზნესის ადმინისტრირების" საბაკალავრო საგანმანათლებლო პროგრამას მიენიჭოს პირობითი აკრედიტაცია 2 წლის ვადით, 2027 წლის 28 თებერვლამდე.
2. ცნობილ იქნას აკრედიტაციის ექსპერტთა ჯგუფის დასკვნა ა(ა)იპ - საქართველოს საპატრიარქოს წმიდა ტბელ აბუსერისძის სახელობის სასწავლო უნივერსიტეტის „ბიზნესის ადმინისტრირების" საბაკალავრო და სამაგისტრო საგანმანათლებლო პროგრამების კლასტერის შესახებ ამ გადაწყვეტილების განუყოფელ ნაწილად (დანართი №2).
3. ცნობილ იქნას საბჭოს 2025 წლის 5 მარტის სხდომის №240524 ოქმის №04 ნაწილი ამ გადაწყვეტილების განუყოფელ ნაწილად (დანართი №3).
4. დაწესებულებას საბჭომ შესასრულებლად განუსაზღვრა შემდეგი რეკომენდაციები და რჩევები:

### რეკომენდაციები:

1.3

- რეკომენდებულია გააძლიეროთ კავშირი მონაცემთა შეგროვებასა (როგორც პირდაპირი, ისე არაპირდაპირი) და სამიზნე ნიშნულებს შორის იმისთვის, რომ ყველა სწავლის შედეგი შეფასდეს გაზომვადი და გამჭვირვალე კრიტერიუმებით.

1.4

- რეკომენდებულია შეიტანოთ თვისებრივი მეთოდები, რაოდენობრივ მეთოდებთან ერთად, პროგრამის პრობლემის გადაჭრის ასპექტებში.

- რეკომენდებულია პროექტის მართვა გახადოთ სავალდებულო, რაც ასახავს მის პოზიციას, როგორც ფუნდამენტურ უნარს ბიზნეს სამყაროში. მისი არჩევითი კურსიდან სავალდებულო კურსად გადატანა უზრუნველყოფს, რომ ყველა სტუდენტმა განივითაროს ბიზნეს პროექტების დაგეგმვის, განხორციელებისა და მართვისთვის საჭირო უნარები.
- რეკომენდებულია გააერთიანოთ მიწოდების ჯაჭვის მართვა და ლოგისტიკა, რადგან ეს ორი კურსი მოიცავს მჭიდროდ დაკავშირებულ საკითხებს. გააერთიანეთ ისინი ერთ ყოვლისმომცველ კურსად, რაც უზრუნველყოფს უფრო ინტეგრირებულ მიდგომას ოპერაციებისა და მიწოდების ჯაჭვის მენეჯმენტის გასაგებად.
- რეკომენდებულია უზრუნველყოთ, რომ პროგრამის სტრუქტურა სრულად შეესაბამებოდეს ეროვნულ კვალიფიკაციათა ჩარჩოსა და სწავლის სფეროების კლასიფიკატორს. კერძოდ, საბაკალავრო პროგრამის თავისუფალ კომპონენტში, სავალდებულო კურსებთან ერთად, უნდა იყოს არჩევითი კურსებიც.

## 1.5

- რეკომენდებულია უზრუნველყოთ, რომ სასწავლო მასალები, განსაკუთრებით ძირითადი სახელმძღვანელოები, განახლდეს და შეივსოს ბოლო ხუთი წლის განმავლობაში გამოქვეყნებული წიგნებითა და რესურსებით. ეს უზრუნველყოფს, რომ სტუდენტები გაეცნონ ბიზნესის ადმინისტრირების უახლეს ტენდენციებსა და მიღწევებს, რაც მნიშვნელოვანია მათი სწავლისა და მომავალი კარიერისთვის.
- რეკომენდებულია გაათანაბროთ ინგლისური ენის სწავლება B2 დონის მოთხოვნილ კომპეტენციასთან ისეთი სახელმძღვანელოებისა და მასალების გამოყენებით, რომლებიც შეესაბამება მოსალოდნელ ენობრივ შედეგებს. მაგალითად, არ გამოიყენოთ Pre-Intermediate დონის წიგნები B1 დონის სწავლებისთვის და Intermediate დონის წიგნები B2 დონის სწავლებისთვის.
- რეკომენდებულია უსდ-მ განსაზღვროს პრაქტიკის რელევანტური წინაპირობები.
- რეკომენდებულია შეიმუშავოთ და დანერგოთ რუბრიკები ზეპირი გამოცდებისთვის და უზრუნველყოთ ამ შეფასებების ჩაწერა. ეს გააუმჯობესებს გამჭვირვალობას და უზრუნველყოფს მტკიცებულებებს სტუდენტთა დავების ან აპელაციის შემთხვევაში.

## 2.2

- რეკომენდებულია აამაღლოთ სტუდენტების ცნობიერება ელექტრონული საბიბლიოთეკო ბაზების გამოყენების საჭიროების შესახებ და გაზარდოთ ამ რესურსების გამოყენების მოთხოვნები შეფასებისა და სამეცნიერო-კვლევითი პროექტების განხორციელებისას.

## 2.4

- რეკომენდებულია შეაფასოთ სტუდენტები სილაბუსში მითითებული მეთოდების გამოყენებით.
- რეკომენდებულია გააძლიეროთ აკადემიური და კვლევითი ეთიკის, აკადემიური კეთილსინდისიერების, პლაგიატის პრევენციის, გამოვლენისა და რეაგირების მექანიზმების შესაძლებლობები და პრაქტიკა.
- რეკომენდებულია გაზარდოთ სამაგისტრო ნაშრომების ხარისხი, რათა შეესაბამებოდეს მაგისტრის აკადემიური ხარისხის მინიჭების დებულებით განსაზღვრულ მოთხოვნებს და სამაგისტრო თემის სათაურში გამოიკვეთოს კვლევითი პრობლემა.
- რეკომენდებულია მოამზადოთ ლექტორები ონლაინ სასწავლო პლატფორმების ეფექტური გამოყენებისთვის.

## 3.1

- რეკომენდებულია დაამყაროთ პარტნიორული ურთიერთობები საერთაშორისო უნივერსიტეტებთან, რაც სტუდენტებისთვის შექმნის მეტ შესაძლებლობას გაცვლით პროგრამებში ან საერთაშორისო პროექტებში მონაწილეობისთვის.
- რეკომენდებულია გადახედოთ სტუდენტთა გამოხმაურების პროცესს სტუდენტების უკუკავშირის სრულად ანონიმური გამოკითხვის განხორციელებით.
- რეკომენდებულია უზრუნველყოთ, რომ ლექტორებმა შეძლონ ნიშნების პირდაპირ ატვირთვა სტუდენტთა პორტალზე რეგულარული უკუკავშირისთვის, რაც გააუმჯობესებს გამჭვირვალობას და უზრუნველყოფს სტუდენტთა კონფიდენციალურობას.

### 3.2

- რეკომენდებულია აღმოფხვრათ შეუსაბამობა, რომელიც არსებობს ხელმძღვანელების დატვირთვაში - ამჟამად თითოეულ ხელმძღვანელზე მოდის 7.16 სტუდენტი, მაშინ როცა პროგრამის წესის თანახმად, ერთ ხელმძღვანელს არ უნდა ჰყავდეს 5 სტუდენტზე მეტი. ამ საკითხის შესაბამისობაში მოყვანა გააუმჯობესებს სამაგისტრო პროგრამის სტუდენტების ხელმძღვანელობისა და მხარდაჭერის ეფექტურობას.
- რეკომენდებულია გააფართოვოთ ხელმისაწვდომობა სამეცნიერო მონაცემთა ბაზებზე და ლიტერატურაზე მაგისტრატურის სტუდენტებისთვის, რათა გაუმჯობესდეს მათი კვლევის ხარისხი და აკადემიური განვითარება.

### 4.3

- რეკომენდებულია გააფართოვოთ ტრენინგებისა და განვითარების პროგრამა აფილირებული, მოწვეული და ადმინისტრაციული პერსონალისთვის.

### 4.4

- რეკომენდებულია გააძლიეროთ საბიბლიოთეკო რესურსები ელექტრონული მასალების უფრო ფართო სპექტრისა და უფრო სრულყოფილ მონაცემთა ბაზებზე წვდომის ჩათვლით.

### 5.1

- რეკომენდებულია შეაგროვოთ და გააანალიზოთ ყველა საჭირო ინფორმაცია, რომელიც მოთხოვნილია თვითშეფასების ანგარიშის ფორმითა და მისი დანართით.
- რეკომენდებულია შეიმუშავოთ ყოველწლიური სამოქმედო გეგმები და მოამზადოთ ყოველწლიური საქმიანობის ანგარიშები, რომლებიც განხილული და შეფასებული იქნება ინსტიტუციის მმართველი ორგანოების მიერ და უზრუნველყოთ მათი საჯარო ხელმისაწვდომობა.
- რეკომენდებულია წაახალისოთ სტუდენტების მეტი ჩართულობა სასწავლო პროგრამის შეფასებაში, განსაკუთრებით რეგულარული უკუკავშირის მექანიზმების მეშვეობით, როგორცაა გამოკითხვები ან ფოკუს ჯგუფები. ეს დაეხმარება პროგრამას უკეთ უპასუხოს სტუდენტებისა და ბაზრის საჭიროებებს.

### 5.2

- რეკომენდებულია უზრუნველყოთ განხორციელდეს პროგრამების გარე კოლეგიალური განმავითარებელი შეფასება უცხოელი აკადემიური პერსონალისა და პროფესიონალების მიერ.

- რეკომენდებულია უზრუნველყოთ, რომ სტუდენტები ანონიმურად აფასებდნენ (კითხვარების ან სხვა საშუალებებით) ყველა სავალდებულო სასწავლო კურსს თითოეული კურსის დასრულებისას.
- რეკომენდებულია თანმიმდევრულად და მყარად განახორციელოთ არსებული ხარისხის უზრუნველყოფის მექანიზმები პროგრამების სწავლის შედეგების შესაფასებლად.
- რეკომენდებულია შეაფასოთ სამეცნიერო-კვლევითი კომპონენტის განხორციელება, ასევე სამეცნიერო ხელმძღვანელობა.

### რჩევები:

- სასურველია გაზარდოთ არაპირდაპირი შეფასების მეთოდების სიხშირე და სიღრმე, მათ შორის კურსდამთავრებულთა და დამსაქმებელთა გამოკითხვები, რათა უზრუნველყოთ, რომ პროგრამის სწავლის შედეგები ასახავდეს რეალური ბაზრის საჭიროებებს.
- სასურველია უზრუნველყოთ, რომ კამპუსი იყოს ხელმისაწვდომი და უსაფრთხო შეზღუდული შესაძლებლობის მქონე სტუდენტებისთვის, შესაფერისი გადაწყვეტილებების გამოყენებით.
- სასურველია უზრუნველყოთ განათების გამართული მუშაობა ყველა აუდიტორიაში.
- სასურველია შეიძინოთ ვირტუალური სასწავლო გარემო სწავლებისა და სწავლის მხარდასაჭერის მიზნით.
- სასურველია გაზარდოთ ან განავითაროთ დამატებითი შემოსავლის წყაროები, რაც საშუალებას მისცემს ინსტიტუციურ ინვესტიციებს გააუმჯობესოს სტუდენტთა გამოცდილება.
- სასურველია გადაიტანოთ ბიზნეს რისკები და დაზღვევა არჩევითი კურსებიდან სავალდებულო კურსებში, რათა უზრუნველყოთ ყველა სტუდენტის მიერ რისკების მართვის აუცილებელი უნარების განვითარება, რაც მნიშვნელოვანია თანამედროვე ბიზნეს პროფესიონალებისთვის.
- სასურველია გადაიტანოთ საქართველოს ისტორია არჩევით კურსად, რადგან მიუხედავად იმისა, რომ საქართველოს ისტორია ღირებულია კულტურული პერსპექტივიდან, ის პირდაპირ არ უწყობს ხელს ძირითადი ბიზნეს კომპეტენციების განვითარებას. მისი გადატანა არჩევით სტატუსში მისცემს სტუდენტებს მეტ მოქნილობას და ამავე დროს ისინი შეძლებენ მთელი ყურადღება გადაიტანონ ძირითად ბიზნეს საგნებზე.
- სასურველია მკაფიოდ ჩართოთ კვლევითი უნარების განვითარება შესაბამისი კურსების სილაბუსებში, როგორცაა სტრატეგიული დაგეგმვა, დროის მართვა და მარკეტინგი, რათა უზრუნველყოთ სტუდენტების სათანადო მომზადება აკადემიური კვლევისა და სტრატეგიული გადაწყვეტილებების მიღებისთვის.

5. საბჭოს აღნიშნული გადაწყვეტილება ძალაში შევიდეს 2025 წლის 28 თებერვალს.

6. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24<sup>1</sup> მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ. თბილისი, მ. ალექსიძის მე-2 შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის

გზით შემდეგ მისამართზე: ქ. თბილისი, დავით აღმაშენებლის ხეივანი №64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) კანონმდებლობის შესაბამისად დაწესებულებისთვის გაცნობის დღიდან, ერთი თვის ვადაში.

საგანმანათლებლო პროგრამების აკრედიტაციის საბჭო  
მდივანი  
ტეფნაძე დავით

დ. ციციშვილი

სსიპ-განათლების ხარისხის განვითარების ეროვნული  
ცენტრი  
უმაღლესი საგანმანათლებლო პროგრამების  
აკრედიტაციის საბჭო  
სხდომის თავმჯდომარე  
თუთბერიძე გოჩა

ქ. ციციშვილი



| №  | ინფორმაცია საგანმანათლებლო პროგრამის შესახებ                                                                                                  |                                                       |
|----|-----------------------------------------------------------------------------------------------------------------------------------------------|-------------------------------------------------------|
| 1  | საგანმანათლებლო პროგრამის დასახელება                                                                                                          | ბიზნესის ადმინისტრირება                               |
| 2  | ერთობლივი უმაღლესი საგანმანათლებლო პროგრამა                                                                                                   | -                                                     |
| 3  | სტატუსი                                                                                                                                       | ახალი                                                 |
| 4  | სტატუსის გათვალისწინებით, საბჭო(ებ)ს გადაწყვეტილების თარიღი და ნომერი                                                                         |                                                       |
| 5  | ხელახალი აკრედიტაციის შემთხვევაში საგანმანათლებლო პროგრამის წინა დასახელება                                                                   | -                                                     |
| 6  | უმაღლესი განათლების საფეხური                                                                                                                  | ბაკალავრიატი                                          |
| 7  | დაშვების წინაპირობები                                                                                                                         | -                                                     |
| 8  | კვალიფიკაციის დონე                                                                                                                            | VI                                                    |
| 9  | კვალიფიკაციის დასახელება                                                                                                                      | ბიზნესის ადმინისტრირების ბაკალავრი                    |
| 10 | ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით                                          | -                                                     |
| 11 | დეტალური სფეროს დასახელება და კოდი (ISCED – F – 2013)                                                                                         | მენეჯმენტი და ადმინისტრირება<br>0413                  |
| 12 | სწავლების ენა                                                                                                                                 | ქართული                                               |
| 13 | ECTS კრედიტების ჯამური რაოდენობა                                                                                                              | 180                                                   |
| 14 | განხორციელების ადგილი                                                                                                                         | შუახევის მუნიციპალიტეტი, სოფ. ტაკიძეები, დაბა ხიჭაური |
| 15 | მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება                                                           | -                                                     |
| 16 | ამ გადაწყვეტილების ძალაში შესვლის თარიღი                                                                                                      | 2025 წლის 28 თებერვალი                                |
| 17 | აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა | -                                                     |
| 18 | აკრედიტაციის ვადის გასვლის თარიღი                                                                                                             | პირობითი აკრედიტაცია 2027 წლის 28 თებერვლამდე         |